



## 911

Rijerbal ro emōj aer ekatak kin waween jermal ko ilo ien emojonji rej uak kall im taakij im jilkinwaj bwilaajmaan, rijerbal ro rej kabojrak an wōr kijeek, ak an aujpiotol ñan armej ro rej ion ien jidimkij kein im ej kauwōtata ñan mour ak jikin ko rej pād ie. 911 ej bellok 24/7, 365 raan juon yiiō.

### Kall ak taakij 911 ñan:

- Ien ko ej itaak wa
- Ñe ej wōr jorrāān ilo mōn jokwe ak koot
- Kakure ak metak enbwin
- Ien ko ej Bwil Juon Jikin
- Lap jen joñan kōjerbale uno ko rekajur ak kametak eok-māke
- Jab maroñ makūtkūt ak menono
- Ñe ewōr juon ej kajeoñ bōk māke mour eo an



## DOH 140-294 July 2024 CS Marshallese

Ñan kajjitōk bwe ren lewōj peba in ilo bar juon wāwein, kwōn kallōk 1-800-525-0127. Armej ro rej jarroñroñ ren kallōk 711 (Washington Relay) ak email doh.information@doh.wa.gov.

## 988

Kaunjelōr ro emōj aer ekatak waween jermal ilo ien kauwōtata rej uak kall, taakij, im kōnaan im kwalok jibañ ko ejelok juon enij jella kake ñan ro rej ion kauwōtata ilo ejmour in kalmenlakjen, abinono ikijen kōjerbale uno ko rekajur, ak lõmnak in bōk māke mour. 988 kaunjelōr ro rej jermal ilo ien kauwōtata remaroñ bar kwalok jibañ ko an jukjukin pād eo ñan jibañ ko rej wañmaanlok wōt. 988 ej bellok 24/7, 365 raan juon yiiō.

### Tobar 988 ñan:

- Lõmnak in bōk māke mour eo am
- Eñjake am ikumkum, inebata, ak mijak
- Abinono ko ikijen kōjerbale uno ko rekajur
- Jabdewōt inebata ak eñjake ilo ien kauwōtata

### Kall ak taakij: 988

Jeje ilo: [988lifeline.org/chat](https://988lifeline.org/chat)

TTY: Jiped 711, innem 988

Telebon in bideo ñan ASL:

<https://988life-line.org/help-yourself-for-deaf-hard-of-hearing/>



## 211

Rijerbal ro emōj aer ekatak kin melele ko im rej jibañ armej ikijen ejmour im jermal ko jot ilo aer koneek ir ñan jermal ko epāāke er im jibañ ko an jukjukun pād. 211 awa ko rej pedped ion jikin eo kwōj pād ie. Jot jikin kall rej bellok Mande ñan Bolaide, ilo an ro jot bellok 7 raan juon wiik.

### Tobar 211 ñan jibañ ikijen jermal ko epaak im jibañ ko ikijen:

- Aikuj in moña, jikin bōk jibañ ikijen jokwe ilo jidik wōt ien, ak waween itotak
- Jibañ ikijen reen, jikin jokwe, im wonaan dān ak jarom
- Aikuj ko ikijen karreo enbwin im ejmour ñan eok māke ak juon bar armej
- Jibañ ikijen lale rinañinmej ilo ejelok wonaan
- Jibañ ikijen jikuul ak jermal
- Jibañ rūtto im armej ro ewōr aer nañinmej in utamwe

### Kall e: 211

Taakij e lak: ZIP code to 898211

Jeje: [211kingcounty.org](https://211kingcounty.org)

TTY: Jiped 711, innem 211



## Jikin Lale ko ilo Jukjukun pād eo

Rijerbal ro rej jibañ armej im baamle ko aer ikijen aikuj ko rebin ak reloñlak ñan jikin jokwe, ial, ejmour, im elaplok. Jikin lale ko ilo jukjukun pād rej koneek im kobalak ippen doulol ko turuer ñan lelok kea eo ej wanmaanlok ilo jukjukun pād im jibañ armej ilo aer kajeoñ in tobar aikuj ko aer.

### Tobar Jikin Lale ko ilo Jukjukin Pād ñan jibañ ikijen:

- Jikin Jokwe
- Moña
- Juon jikin bōk jibañ ikijen jokwe ilo jidik wōt ien
- Waween Itotak
- Ejmour
- Jibañ ikijen Jāān

Jikin kall eo ej lelok armej ñan Jikin Lale ko ilo Jukjukin Pād ej bellok Mande ñan Bolaide, 9 a.m. ñan 7 p.m. im Jadede 9 a.m. ñan 1 p.m.

Kall e: 1-833-453-0336



## Washington Poison Center

Washington Poison Center (WAPC, Jikin Jermal in Lale Baijen ilo Washington) ej lelok jibañ ilo ien eo emokaj tata, naan in rojāñ eo ejelok wonaan im jibañ jen nōōj ro elap aer jella, rijerbal ilo jikin kauno, im rijerbal ro ilo jikin bōk melele kin baijen.

Ñe emōj am ak juon armej eo kwōj iakwe emōj an waroñlak ak pād turin jabdewōt men eo ekajur, baijen, ak emaroñ kauwōtata, komaroñ bōk jibañ ilo telebon, 24/7/365. WAPC ej lewaj melele im jibañ ilo 140 kajin ko.

Rimalotlot eo ej uak e kall eo am emaroñ lewaj elaplok melele kin uno im lewaj tōl ñe kwōj etal ñan emojonji ruum ak bukot uno ko jot.

Kall e: 1-800-222-1222

TTY: Jiped 711 ñan jermal eo an Washington Relay

